

INUIT ATAQATIGIIT

INATSISARTUNI



31. marts 2010

Inatsisartut suleriaasianni § 36, immikkoortoq 1 naapertorlugu matumuuna imaattunik Naalakkersuisunut apeqquteqarpunga.
(Inatsisartuni ilaasortaq Debora Kleist, Inuit Ataqatigiit)

Apeqqutit:

1. Innarluutillit sulinerminni akunnermut akissarsiarisartagaasa 15,00 kr-iusup qaffan-neqarnissaanut siunissami Naalakkersuisut pilersaaruteqarnerlutik?
2. Innarluutillit taama akunnermusiallit Nunatsinni qassiunersut Naalakkersuisut kisitsisinngorlugit piginerlugit?
3. Aaqqissuussineq tamanna qanga atuutilersinneqarpa?
4. Innarluutillit sulinerminni akunnermut akissarsiarisartagaat qanga kingullermik qafaaffigineqarpa?

Tunngavilersuut:

Nalunngisatsit ukiuni arlalinngortuni innarluutillit ulloqartitaanerminnut atatillugu piffimmini qinikkanut oqariartuutigiuartarpaat namminerminnut atugassarititaasut naam-magiinnarsinnaanagit.

Oqariartuutigineqartartullu ilagaat sulinerminni akunnermut akissarsiarisartagatik 15 kr-iusoq annikigalugu. Ilaatigut allagartarsualisarluni ingerlaaqatigiinnikkut soqutiginarluin-nartoq tamanna ersersinniarneqartarpoq. Taamaattumik siunissami pitsaanerumik iliuuseqarfineqartariaqartutut aammalu siunnerfigineqartariaqartutut tamanna isigaara.

Taamaammatt pingaartippara innarluutilittavut inuiaqatigiinnut ulluinnarni akuutin-neqarnissaat anguniartuugaasoq eqqarsaatigalugu, pitsaasumik toqqissisimanartumillu ikor-fartorneqarnissaat pingaaruteqarluinnartoq.